

Apënëtal and eñer aṅ (Matewo 22.1-14)

Ga xucak eṅo, Yesu këbi felërand bëte gë bapënëtal, ko rend: Owun or gër orën ol er wëndërek gë endey end emun end rin baṅo eñer asëñiṽ fo. Laṽën këbi bër andiyen bën enëbi y'en bër fel babi eni yowëraw gër ofëna bën. Bari bën hëp këni eni yow. Laṽën këbi bëte bër andiyen bësêxe, enëbi pelëx: Ogaê odam ok do gë opërac odam ok hâê këmëni anëka yënëk yas eṅ, wën fo sënî këmün. Bari bër fel babi eni yowëraw bën abi bal bana eṅo. Fecan këbi eni tëf bende bën, kwël šapër këni: ajo gër ošënga, ajo gër opane odexëm. Bër bayi bax na bën sëra kënëbi bër olaṽën bën, xëmëra kënëbi xali laṽ kënëbi. Ga xoṽ ko emun eṅ, laṽën këbi ocoroda odexëm ok enëbi daṽëra bela bëjo do eni cor angol andebën aṅ. Ata emun eṅ fel këbi bër andiyen bën: Ecemar ed ofëna ol, anëka feyëtëra këni, bari bër fel bamëni eni yow bën abi ñapëbana. Gërëgako yeyin gër angol, gër opëña od këni yëmbënd bela. Gë ar kën fed yo macuno. Bër andiyen bën šapër këni gër angol, ed opëña el. Do gë ar fed këni yo, hi ko asëmbak, hi ko ar šenene, ṽac kënëbi gër ofëna. Ata mondako fëxw bani gër aciṽ and ofëna. Ga lîlu ko emun eṅ ebi nëkon bër ṽacu kënëbi bën, wat këṅo ar bayik acudabana

anjëm and ofëna. Wëka këno: Lawo, mondake wa lilu këy ro gë acud and ofëna këm. Ata ala ajo
sësinan këno yem. Emun eñ fel këbi bër andiyen bën: Kapin osapar oñ do gë otaxan ok eno yayaxën
fac gër ecamëdan. Tesëxëlexo, ñatayaxëlexo ebasa el. Ga hata ko Yesu apënëtal año, re ko bëte:
Enimin, bëranjëm exëni bër wac këbi Kaxanu bën. Barikan təkər fo xëni bër sana këbi bën.